

Nel Oduber ta insinua na mundo henter cu polis na Aruba no ta sirbi

ORANJESTAD (AAN) Prome ministro di Aruba un biaha mas a luci cu su forma descabeya di actua y expresa su mes na momento cu el a difama cuerpo policial di Aruba door di yama nan pa Padvinderij.

Esaki ta loke tin miembronan di cuerpo policial hopi rabia y disgusta y si no tabata pa e hecho cu

prensa internacional tin nan wowonan dirigi riba e investigacion di e caso di Natalee, polisnan di Aruba lo a bay den accion di protesta contra expresionnan humiyante haci di parti di prome ministro Nel Oduber.

Ora cu CNN a core informa henter mundo cu un di e detenidonan lo a basha abao den e caso di Natalee y cu

supuestamente prensa local y tur hende na Aruba mester a haya e informacion aki via CNN, Nel Oduber a core saca conclusionnan descabeya y el a bay lastra via radio polisnan di Aruba.

Loke CNN a haci tabata nada otro cu manda un informacion den publicidad cu nan lo a haya di un of mas persona na Aruba cu aparentemente tabata tin intencion di haci sensacion barata cu e caso di Natalee sin tene cuenta cu e daño enorme cu esaki cada biaha tabata trece cune ora informacionnan eroneo sali via canalnan di television internacional.

Na momento cu Nel Oduber a yama polisnan di Aruba publicamente pa Padvinders, e mes como cabesante di e gobierno actual ta bisa publicamente cu su ministro di husticia Rudy Croes no ta sirbi como ministro di husticia pasobra polis ta cay bao di maneho di ministro di husticia.

Ta cu ki cara Nel Oduber por bay sera acuerdonan cu cualkier instancia pafor di Aruba riba tereno di combatimento di criminalidad, si e mes como prome ministro di Aruba no tin confianza den su mesun cuerpo policial?

Ta cu ki cara Nel Oduber como prome ministro di Aruba por bay enfrenta prensa mericano den e caso di Natalee, si e mes ta bisa publicamente cu polisnan di Aruba no ta sirbi pa atende cu e caso di Natalee?

E asunto aki ta ilustra ki sorto di ministronan tin den e gobierno na Aruba y tambe e ta ilustra den ki situacion frustrante polisnan di Aruba tin cu traha bao di maneho di un gobierno cu pa basta tempo caba ta muera di kien y ta mete directamente den trabao interno di cuerpo policial.

Gobierno a hinca politica partidista den e trabao policial cu mester ta liber di cualkier forma di influencia

politico.

Cu e caso di Natalee e hamber pa core cu comisario Jan van der Straaten ta awor mas cu nunca bisto cerca ministronan Nel Oduber y Rudy Croes y awor via prome ministro Nel Oduber mes trabao di cuerpo policial ta wordo mina na un forma hopi mahos.

Mensahe cla y raspa

Presidente di SPA a bisa bon cla: Si bo no ta polis no mete

ORANJESTAD (AAN) Ayera presidente di SPA, señor Zaandam, a manda palabranan bon cla y raspa pa esnan cu ta pretende di ta mas cu polis y diripiente nan a bira experto riba tereno policial, riba tereno di trabao di Ministerio di Publico y nan ta te hasta e beste stuurman aan wal.

E caso na cual presidente di SPA ta referi na dje, e stuurman ey no ta uno di cual por wordo bisa cu 'de beste stuurman staan aan wal' pasobra ta trata di un stuurman tempo cu e tabata riba e barco nan a pone baha na awa den pura y nunca el a bringa su caso pa existi pa e wordo tuma bek den servicio.

Polisnan rabia a duna di conoce cu e persona na cual nan ta referi awor kier pretende di ta don sabe lo todo y pa colmo ta busca

guera cu tur hende cu no ta di acuerdo cune y riba dje kier hunga macho via microfono y internet.

Polisnan a duna di conoce cu si bo no ta polis, no bay haci via radio como si fuera cu abo diripiente sa tur cos mihor cu polis y peor ainda si ta core nan a core cu bo di cuerpo policial pa algo cu te awe a keda hopi dudoso.

Turistanan ta sigui

duna sosten na Aruba

ORANJESTAD (AAN): No obstante e noticianan cu ta skeiro na Merca y cu ta dunando e isla aki un 'wowo preto', tog DIARIO ta contento di mira cu keto bay e sosten di e turistanan fiel na Aruba, ta sigui. No obstante cu cierto gritonan di "boycot Aruba" ta skeiro tur caminda, tog ta un placer pa mira con hopi ta sigui sostene e isla. Na Aeropuerto mes ora di yega, por ira cu nan ta yega feliz y contento.

ARUBA'S WAY!!



BEST DEAL


Tel: 5827100

(Pariba di Aruba Bank, Paradera)

BEST SHOPPING DEAL

Turibana Plaza

Tel: 5865455



DVD & Video Combo SPECIAL

Awe ta h
Kayla A
di su ma
Ann tam
manan t
nan y j
Peuterc